



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 51. Concilium Londinense.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. A C. 1138. ejus pedibus advolvi non exhorruit; plus tamen quam sex hebdomadarum inducias, scilicet usque ad Festum S. Martini obtinere non potuit. Pictis deinde, incolis Scotiæ, qua Septentrionem spectat, populo barbaro, persuasit, ut intra illud ipsum temporis spatium omnes puellas mulieresque a se captas Carleolum reducerent, & libertati restituerent. Eosdem & alios Barbaros ad promittendum compulit, quod in bello Ecclesias nolent profanare, quod feminis & infantibus vellent parcere, ac etiam neminem, nisi armatum & repugnantem, occidere.

§. LI.

*Concilium Londinense.*

Albericus Legatus ex Scotia ad Festum S. Michaelis discedens, ad Curiam Stephani Regis Angliæ rediit, ubi Episcopis & Abbatibus totius Regni ad Concilium generale, in Festo S. Nicolai Londini celebrandum (quod tamen non ante decimam tertiam Decembris hujus anni millesimi centesimi trigesimali octavi inchoatum est) convocatis, præfuit; aderant vero Episcopi octodecim & Abbates circiter triginta. Turstainus Archiepiscopus Eboracensis ægrotans Guillelmum Ecclesiæ suæ Decanum, vicarium suum misit. Conditi vero sunt in hoc Concilio Canones septendecim, plerumque

que ex Synodis recentioribus præceden-  
 tibus petiti. Ultra octo dies Corpus  
 Christi non reservetur. Neque ad in-  
 firmos, nisi per Sacerdotem, aut per Dia-  
 conum, aut necessitate instante per quem-  
 libet, cum summa reverentia deferatur.  
 Auctoritate Apostolica prohibetur, ne  
 Sanctimonialia pretiosis pelliculis, velle-  
 ribus ponticis, marterinis seu Scythicis,  
 aut annulis aureis utantur. Capillos suos  
 nec torqueant, nec more Sæcularium  
 componant. Hujus Decreti quæ inven-  
 ta fuerit violatrix anathemati sub-  
 jaceat. Præterea si Magistri scholarum aliis scho-  
 las suas locaverint pro pretio, Ecclesia-  
 sticæ vindictæ subjaceant.

In eodem Concilio actum est de ele-  
 ctione Archiepiscopi Cantuariensis, illa  
 Sede annis jam duobus vacante post obi-  
 tum Guilielmi Corboniensis, fatis functi,  
 anno millesimo centesimo trigesimo no-  
 no, postquam annis quatuordecim Pon-  
 tificex Cantuariensis fuisset. Ergo Guiliel-  
 mo tandem subrogatur Theobaldus Ab-  
 bas Beccensis, consentiente Hieremia Ec-  
 clesiæ Cantuariensis Priore, atque statim  
 post Epiphaniam a Sacræ Sedis Legato  
 sub initium anni millesimi centesimi tri-  
 gesimi noni ordinatur. Vir erat singu-  
 lari prudentia & mansuetudine præditus,  
 qui illam Sedem annis viginti duobus te-  
 nuit. Antequam Concilium solveretur,  
 Lega-

Sæcul. XII.  
 A.C. 1138.

c. 2.

c. 15.

c. 17.

Sæcul. XII. Legatus omnes Episcopos Angliæ & com-  
A.C. 1138. plures Abbates invitavit ad Concilium,  
 Romæ ab Innocentio Papa in medio Qua-  
 dragesimæ celebrandum. Et ipse ne ab-  
 esset, proxime post Octavam Epiphaniæ  
 ex Anglia solvit, sequentibus eum Theo-  
 baldo Archiepiscopo, aliis quatuor Epi-  
 scopis & quatuor Abbatibus, qui nomine  
 omnium Præsulum Angliæ Concilium  
 Romanum adierunt. Noluit enim Ste-  
 phanus Rex pluribus Episcopis abitum  
 concedere, quod pax domestica & totum  
 Regnum tunc multis adversis turbare-  
 tur.

## §. LII.

*Fucherus Archiepiscopus Tyriensis.*

*Guil. Tyr. XIV. c. II.* Innocentius Papa Romam redux venien-  
 tem ad se Fucherium, Neo electum  
 Archiepiscopum Tyriensem, Pallium pe-  
 titurum, recepit. Erat vero Fucherus  
 Inculismi ortus, postea Abbas Monaste-  
 rii Chellensis Canonorum Regularium,  
 cumque Gerardum Episcopum suum,  
 Schismaticorum in Aquitania principem,  
 sibi haberet infensissimum, vale Fratris  
 suis dicto, Hierosolymam profectus est,  
 ubi sub Regula in Congregatione S. Se-  
 pulchri degit. Ecce autem Guilielmo  
 Archiepiscopo Tyriensi, ex Latinis pri-  
 mo, e vivis translato, Fucherus per ele-  
 ctionem ei sufficitur, vir in literis quidem  
 me-